

# Ленинэнь киява

ВЛКСМ-нь Мордовской обкомонтъ ды Саранск ошонь комитетэнтъ газетаст

И Ю Н Е Н Ь  
22-це ЧИ  
1938 и о  
№ 69 (895)  
ЛИСИ: 8-це ИЕ,  
ЧИНЬ ЮТАЗЬ.

Саранск ошонь Промышленной избирательной округонь  
избирательтнень митингентъ

## ОБРАЩЕНИЯЗО

Мордовской республикань весе избирательтнень

### ВЕЧКЕВИКС ЯЛГАТ!

Саранск ошонь минек Промышленной избирательной округанть МАССР-нь Верховной Советс депутатк карми баллотироваться весе трудяцятнень великой вождь, учителесь ды другось **Сталин** ялгась.

Минек седеенек, кода весе Мордовской народонть седейтне пешкесе великой радостьсе ды гордостьсе се доверянтъ ды честентъ кис, конань оказал минек **Сталин** ялгась сеньсэ, што макссь согласия МАССР-нь Верховной Советс депутатк голосованяса.

Минек округонь избирательтне ве мельсэ ды радость марто кармить голосовамо депутатк всенародной кандидатонть **Сталин** ялганть кис. Сынь радость марто ды ве мельсэ кармить голосовамо секс, што **Сталин** ялгась самодержавиянь мрачной иетнестэ **Ленин** марто вейсэ робочей классонть ды крестьянстванть кепедсть смелсть ды уверенна помещичье-буржуазной строень ертоманть, капитализмань ертоманть.

**Сталин** ялгась **Ленин** марто вейсэ гражданской войнань героической иетнестэ кеместэ бороцясь робочей классонь диктатуранть торжестванзо кис. Разрухань ликвидациянтъ кис, социализмань строительстванть кис советской народонть виев бороцямонзо, пелемань ды кавтолдомань атак сода, возглавлял ды ветясь **Сталин** ялгась. **Сталин** ялганть мудрой руководстванзо коряс минек масторось отсталой ды чопода масторонть те евьс могущественной, передовой индустриальной державакс. **Сталин** ялганть руководстванзо коряс тезь братской содружества—великой СССР-сэнтъ эриця народтнень единой трудовой семия.

**Сталин** ялгась **Ленин** марто вейсэ выпестовали непобедимой большевистской партианть, кона громинзе народонь весе ды эрва кодат врагтнень, кона уверенна вети минек эйсэ коммунизманть.

Варштадо минек пекмазый, цветця родинань картанть лангс ды тынь нейсынк, што арась истямо край, истямо область, истямо уголнэ, косо бу минь аволинек нее, аволинек маря социализмань величайшей, всемирно-исторической победатнень, конат тезь **Сталинэнь** руководстванзо коряс.

**Сталин** ялганть руководстванзо коряс мирсэнтъ васенцеде модань

шаронь котоцекс пельксээнэ строясь социалистической общества ды обеспечен советской народонть морально-политической единствась. Минек масторонь народтнэ вечкевикс **Сталин** ялганть прявтсо большевистской партианть руководстванзо коряс кеместэ аштить социалистической революциянь великой завоеваниянтень стражсонть.

Врагтнень—веривь фашизмань троцкистско-бухаринской ды буржуазно-националистической наймитнень кодаткак снартomatнень а лоткавтови Советской народтнень победоносной молемаст, конат эсист знамяст лангсо сермадызь Сталинской Конституциянтъ. Те знамясь непобедимой.

Минь тердяно тынк, избиратель ялгат, эщо седеяк кеместэ пурнавомс Ленинэнь—Сталинэнь минек родной партианть перька ды модемс кочкамотнень июнень знаменательной 26-це чинтень коммунистнень ды беспартийнойтнень Сталинской блоконь знамянтъ ало.

РСФСР-нь ды МАССР-нь Верховной Советнэс кочкамотнень радостной чись весе минек туртов карми улеме виенек эщо седеяк пек мобилизациянь чикс, коммунистнень ды беспартийнойтнень непобедимой блоконтъ од торжествань чикс.

Минь тердяно тынк, избиратель ялгат, голосовамс минек могучей родинань сехте вадря ломантнень кис, коммунистнень ды беспартийнойтнень блоконтъ кандидатнень кис.

Минь тынк тердяно кочкамотнень чинть вастомс производственной од победатнесэ, од стахановецтнесэ, стахановской бригадатнесэ ды цехтнесэ сень туртов, штобу минек пек вадря счастливой родинась улель эщо седеяк пек могучей ды аизнявикс.

Шумбра улезэ коммунистической партиась, конань руководстванзо коряс советской масторонь народтнэ строить Коммунистической общества!

Шумбра улезэ минек великой Советской Союзонь народтнень братской семиясь!

Шумбра улезэ коммунистнень ды беспартийнойтнень блокось!

Шумбра улезэ МАССР-нь Верховной Советс васенце депутатось минек вечкевикс тетясь ды другось **Сталин** ялгась!

## Комсомолецтнэ роботыть

Игнатовань район. Вадрясто организовазь массово-воспитательной роботась Ст. Селища велень „Москва — Кремль“ колхозонь аволь союзной од ломантнень ютксо. Первичной комсомольской комитетэнь секретаресь Мигунов ялгась толкови од ломантнень ВЛКСМ-нь программанть ды уставонть, ВЛКСМ-нь ЦК-нь V-це пленумонь решениянтень, аноксты сынст комсомолс совамо. Организациясонть ней 23 ломанть, 5 ломанть неутвержденной эщо ВЛКСМ-нь райкомонь бюросо ды

7 ломанть максть заявляют первичной организацияс.

Ламо комсомолецт активной участия примить РСФСР-нь ды МАССР-нь Верховной Советнэс кочкамотнень анокстамосонть. Комсомолецтсь—участковой избирательной комиссиянь членсь Цеберкин свал эрси участкасо, толкови избирательтнень избирательной техниканть коряс а чарковдевикс вопростнень, провери мартог избирательной спискатнень.

П. Борейкин.



Весе молоде РСФСР-нь ды АССР-тнень Верховной Советнэс кочкамо! Изогизэнь плакатсто „Прессклишень“ рисункась.

Саранскоень промышленной избирательной округонь  
избирательтнень митинг

## Голосовамс Сталинэнь кис—те покш счасия

Июнень 20-це чистэ культурань ды оймсемань парконтень мольть Саранск ошонь промышленной избирательной округонь кочкиятне. Покш радость ды гордость марто сынь кандсть знамят, партиань ды правительствань вечкевикс руководителтнень портрет, МАССР-нь Верховной Советс депутатк васень кандидатонть, народтнень великой вождентъ ды учителентъ Иосиф Виссарионович **Сталин** ялганть портрет.

Чокшне 6-це чассто панжовсь митингесь, конаньсэ ульнестъ 12 тышат ошонь избирательт. Митингентъ панжизе ВКП(б)-нь Мордовской обкомонь секретаресь **Кузнецов** ялгась.

Митингэнтъ выступили **Болдов** ялгась—консервной комбинатонь

робочейтнень ды служащейтнень пельде, **Бараль** ялгась—котонинной фабрикань робочейтнень ды служащейтнень пельде, **Бржаловский** ялгась—пенько-джутовой комбинатонь робочейтнень ды инженерно-технической работниктнень пельде. Страстной ды взволнованной речь евтась МАССР-нь Верховной Советс депутатк кандидатось комсомолкась **Журавлева** ялгась.

Весе оратортнэ величайшей гордость марто кортасть седе, кодамо покш счасиясь голосовамс **Сталин** ялганть кис ды тердсть весе избирательтнень июнень 26-це чистэ максомс весе эсь вайгелест коммунистнень ды беспартийнойтнень сталинской блоконтъ кандидатнень кис.

## Журавлева ялганть выступлениясто

Избиратель ялгат! Мон пек благодарной ды взволнованной тынк покш доверянк кисэ, конань монень оказали, МАССР-нь Верховной Советс депутатк кандидатокс монь кандидатурам выдвижениясонть.

Те великой честьэнтъ мон обязан Ленинэнь—Сталинэнь партианть, конась монь воспитал, ливтимим нужастонть ды нищетастонтъ, кода весе трудяцятнень как виде валдо ки лангс.

Масторось, косо руководит большевистской партиась навечна маштызе капитализманть, кулачестванть, эксплуатациянтъ ды строясь

социализма. Могучей ды непобедимой советской масторось минек великой вождентъ **Сталин** ялганть руководстванзо коряс кастась миллионт од ломанть—истинной патриотт, конатне беспредельно преданнойть великой родинантень, Ленинэнь—Сталинэнь теветнень.

Избиратель ялгат! Мон заверяю тынк, што мон путса весе вием сенень, штобу оправдать тынк доверянк.

**Шумбра улезэ Сталин** ялгась!  
**Шумбра улезэ коммунистнень ды беспартийнойтнень несокрушимой блокось!**



# ВКП(б)-нь Мордовской Областной Комитетэнь отчетной докладонть коряс Мордовской Областной партийной VI-це конференциянь резолюциязо

ВКП(б)-нь Мордовской Обкомонть роботато И. А. Кузнецов ялганть отчетной докладонзо кун-солотъ ды толковазъ, Мордовской областной партийной VI-це конференциясь ВКП(б)-нь Мордовской областной комитетэнь политической линиянзо лова **правильнойкс** ды практической роботанзо удовлетворительнойкс.

Ютазь иесь партийной органдэнь меельсе кочкамотнестэ саезь ознаменовался минек масторонть ды минек партианть эрямосонзо грандиозной событиатнесэ. Те истэнтэ минек партиясь ютавтсь покш работа фашизмань троцкистско-бухаринской ды буржуазно-националистической агентнэнь эйстэ эсинэ рядтнэнь ваньксавтоманть коряс, сынст вражеской деятельности последствитнэнь ликвидациянь коряс ды партиань члентнэнь ды кандидатнэнь революционной бдительностест кепедеманть коряс. Троцкистско-бухаринской, буржуазно-националистической шпионтнэнь, диверсантнэнь ды убийцатнэнь выкорчевываниянь ды истожамонь результатнэ равнойть капиталистической мирэнь каршо социализмань масторонть покш сражениянь выигрышэнтень.

Фашистской неть пизэнтнэнь громамосонть партиясь ды советской народосъ тейстэ неэценимой услуга мирэнь теветнэнь, международной пролетариатонь единствань теветнэнь, войнанть ды фашизманть каршо бороямонь теветнэнь.

ВКП(б)-нь ЦК-нь февральско-мартовской ды январской Пленумтнэнь решенияст ды Сталин ялганть указаниянзо топавтозь, Мордовской областной партийной организациясь, весе минек партианть марто вейсэ, тейсь покш работа фашизмань троцкистско-бухаринской ды буржуазно-националистической агентнэнь разоблаченияст ды громамот коряс, конат эцнекшность республикань партийной, советской, хозяйственной ды лия организациятнесэ эрва кодат постнэс, вредительствань последствитнэнь ликвидациянь коряс ды коммунистнэнь революционной бдительностест кепедеманть коряс.

Эсь рядтнэнь ваньксавтозь, Мордовской партийной организациясь ютавтсь покш работа руководящей роботатнес од квадратнэнь, партийной ды аволь партийной большевиктнэнь, Ленинэнь—Сталинэнь теветнэнь беззаветна преданойтнэнь выдвиганиянь коряс.

Меельсь вейксэ ковтнэстэ республикань выдвинутойть партийной, хозяйственной, советской ды лия роботас 1.200 ломанде ламо.

Большевистской критиканть ды самокритиканть развертываниянь основанзо коряс ды внутрипартийной демократиянь последовательнасто тевс ютавтомань основанть коряс Мордовской областной партийной организациясь добовась кой-яро успехть большевизмань овладениясонть, партийной роботанть перестройкасо.

Отчетно-выборной партийной собраниятнэнь итогтнэ невтизь коммунистнэнь касыця политической активностест. Партийной собраниятнэст сех ламотне ютасть идейно-политической сэрей уровеньсэ. 536 первичной парторганизациятнесэ партийной собра-

тиятнесэ прениясо кортасть 75 процент присутствующей коммунистнэстэ. Собраниятне невтизь, што од квадратне, конат аволь умок выдвинутойть руководящей партийной роботас, успех марто справляються сынест максозь роботанть марто.

СССР-нь Верховной Советс ютазь кочкамотне ды РСФСР-нь ды МАССР-нь Верховной Советнэс кочкамотнэнь коряс келейгавтозь роботас корты седе, што Мордовской партийной организациясь келейгавтынзе ды кемекстынзе эсинэ связанэ трудиятнэнь келей массатнэнь марто, эщэ седежк верев кепедизе партианть ды Советской правительстванть авторитетэнэ, мезесь ульнесь невтезь СССР-нь Верховной Советс кочкамотнесэ коммунистнэнь ды беспартийнойтнэнь сталинской блоконт победасонзо, зяро коммунистнэнь ды беспартийнойтнэнь блоконт кис голосовасть 98,6 процент избирательть.

МАССР-нь промышленностесь меельсе шкастонт вадрылгавтынзе эсинэ роботанзо. Бути 1937 иестэ валовой продукциянь нолдамонзо коряс планось ульнесь топавтозь 85 процентс, то 1938 иень васенце кварталонт планось топавтозь 103 процентс. Яла теке, промышленностэнтэ вредительствань последствитнэнь ликвидациясь моли эщэ састо, нолдазь продукциянь качественной показателне, оборудованиянь использованиясь, себестоимостень алкалгавтомась, браконть каршо бороямонь ды трудонь производительностень касомась—аштиль алкине уровеньсэ ды а топантевить.

Масторонть эрва иестэ 7-8 миллиардт пондт сюронт максомато Сталин ялганть лозунгозо тевс ютавтозь, минек республикань колхозтнэ ды совхозтнэ 1937 иестэ республикань зерновой культурань урожай гектаронт среднейст саяст 12 центнерт. Кассь колхозной трудочинть пигнезэ,—колхозниктне эрва трудочинть лангс среднейст получасть 4,5 килограммт суро, мезесь корты колхозтнэнь организационно-хозяйственной кемекстамодост ды колхозниктнэнь зажиточностест касомадо.

Партийной, хозяйственной ды лия весе роботанть седе тов кепедемань решающей предпосылкакс ашти ВКП(б)-нь ЦК-нь февральско-мартовской, январской Пленумтнэнь решенияст ды Сталин ялганть исторической указаниянзо неуклоннойстэ топавтомась, фашизмань троцкистско-бухаринской, буржуазно-националистической ды лия агентнэнь седе тов выкорчевываниясь ды истожамось, сынст подлой вражеской деятельности последствитнэнь седе куроксто ликвидациясь, революционной бдительностест седе тов кепедемась, политической беспечностень, благодушиянь ды ротозействань маштомась, руководящей роботас партианть преданной партийной ды аволь партийной большевиктнэнь смелстэ выдвиганиясь, большевистской критиканть ды самокритиканть эщэ седежк пек келейгавтомась ды трудиянь келей массатнэнь марто связятнэ седе тов виевгавтомась ды кемекстамось.

Конференциясь предупреждает весе партийной организациянь ды

башка саезь эрва коммунистэнь сень кувалт, штобу а нолдачс самоуспокоенность ды благодушия, ды народонь врагнэнь разоблачениянь ды выкорчевываниянь теветсэнтэ, сынст вражеской деятельности последствитнэнь ликвидациянь теветсэнтэ теэзь успехтнэнь кодамо бу илязо уле переоценка. Вейке се фактось, што меельсь шканти самс руководящей постнэсэ (СНК, Наркомздрав ды лияг,) яла кадровсть народонь врагт, корты минек рядтнэсэ благодушиянь, ротозействань ды беспечностень эщэ а пак истожа идиотской ормадонть.

Конференциясь мери промышленностень весе партийной, советской, хозяйственной ды профсоюзной организациятнэненэ, политико-массовой роботанть, социалистической соревнованиянь ды стахановской движениянь келейгавтомань основанть лангсо, мобилизовамсь весе вийтнэнь вредительствань последствитнэнь ликвидацияньтень, государственной планонть топавтоманть, продукциянь качествань вадрылгавтоманть, нолдавия продукциянь браконть каршо бороямонть, себестоимостень алкалгавтоманть ды весе хозяйственно-политической задачатнэнь шкасто топавтоманть, явомс сех покш мелесь рабочейтнэнь культурно-бытовой эрва чинь обслуживанияст вадрылгавтоманть. Промфинплантнэнь топавтомосто коммунистнэ ды комсомолчнтэ должны занямс ведущей авангардной роль производствасонть ды ветямс эсь мельгаст беспартийной массатнэнь, улемс производствасо государственной ды трудовой дисциплинань образецкс.

Чугункань кинь транспортонть овси аволь удовлетворительной роботанзо тешкстэзэ—седесть эрцити аварият, роботань основной показателтнэнь (измерительтнэнь) а топавтомат, аволь трудовой дисциплинась, аволь удовлетворительнасто аравтозь политико-массовой роботас, социалистической соревнованиясь ды стахановской движениясь,—конференциясь кармавты партиань обкомонть, райкомтнэнь ды Рузаевской отделения политотделэнтэ примамс решительной мерат вредительствань последствитнэнь седе куроксто ликвидациянь коряс, железнодорожниктнэнь ютксо политико-массовой роботанть, социалистического соревнованиянь ды стахановской движениянь виевгавтомат коряс истя, штобу маласо шкастонт обеспечить измерительтнэнь 100 процентс топавтоманть, авариявтомо роботанть, станциятнэнь, паровой ды вагонной депотнэнь образцовой роботаст ды рабочейтнэнь ды начальствующей составонть ютксо трудовой дисциплинань кемекстамонть.

Велень хозяйствань областэсэнтэ икеле пелень основной задачкакс ашти колхозниктнэнь, совхозонь ды МТС-нь рабочейтнэнь мобилизациясь велень хозяйствасонть вредительствань последствитнэнь седе куроксто ликвидацияньтень, 7—8 миллиардт пондт зернань производствадонт Сталин ялганть указаниянзо успешнойстэ топавтоманть, мушконь ды технической лия культуратнэнь урожайностест весе вийсэ кастоманть, велень хозяйствасо правильной севооборотнэнь ветямонть ды планиро-

ваниянтень, весе колхозтнэнь большевистскойкс, колхозниктнэнь жо зажиточнойкс седе куроксто теветманть.

Конференциясь обращает весе партийной организациянь сех покш меленэ велень хозяйствасонть социалистической соревнованиянь весе вийсэ келейгавтоманзо лангс ды стахановской движениянь эщэ седежк пек кастоманзо лангс, эрва гектаронт 100 пондт зерновойтнэнь урожаенть, 10 центнердэ аволь аламо южной мушконь ды 5 центнердэ аволь аламо средне-русской мушконь урожаенть саеманзо лангс, Чувашской ды Татарской АССР-тнэнь марто социалистической соревнованиясонть васенце тарканть завоеваниянзо лангс.

Животноводстванть развитиясо, сехте пек рогатой покш скотинанть ды конской поголовьянь ламолгавтомасо овси аволь удовлетворительной состоянияньтешкстэзэ, конференциясь кармавты партиань обкомонть ды весе партийной организациятнэнь неуклонна топавтомс 17-це партг'ездсэ Сталин ялганть указаниянзо седе, што:

„Животноводствань теветнэнь должны саемс эсь кедезэст весе партиясь, весе минек работниктне, партийнойтне ды беспартийнойтне, сень мельсэ кирдэзэ, што животноводствань проблемась ней ашти истямо жо васенце очердень проблемакс, кодамокс ульнесь исяк уш успех марто решаэзэ зерновой проблемась“.

Совхозонь, МТС-нь ды колхозонь руководителтнэнь малавикс задачкакс ашти урожаент урядамонть образцовоистэ анокстамось ды сонэзэ ютавтомась, сехте пек сортовой видевтнэнь урядамось, паринань сокамось, кочкоманть ды государстванть икеле весе обязательстватнэнь шкасто топавтомась.

Колхозтнэс единоличной крестьянской хозяйстватнэнь вовлечениянь коряс роботанть овси аволь удовлетворительнойкс тешкстэзэ, конференциясь, требует партийной ды советской организациянь, МТС-нь ды колхозонь весе руководителтнэнь пельде добовамс политико-массовой роботанть пек виевстэ келейгавтома единоличниктнэнь ютксо, колхозтнэс сынст вовлечениянь, решительна бороямс колхозтнэстэ колхозниктнэнь исключениятнэнь коряс башка руководителтнэнь снартнемаст каршо, строгийстэ топавтомс тень пингстэ партиань ды правительствань 1938 иень апрелень 19 чинь решениятнэнь „Колхозтнэстэ колхозниктнэнь исключениянь запрещениядо“, „Колхозтнэс доходтнэ аволь правильнойстэ явшемадо“, „Налогтнэде ды лия обязательстватнеде единоличной хозяйстватнэнь коряс“.

Велень хозяйстванть дальнейшей под'емонь ды очередной задачатнэнь успешнасто разрешениянь решающей предпосылкакс ашти народонь врагнэнь седе товгак выкорчевываниясь, сынст вредительской роботань последствитнэнь ликвидациясь, трудовой дисциплинанть кемекстамось, социалистической собственностень ванстомась, велень хозяйствань артеленъ уставонть строгийстэ соблюдениясь ды колхозниктнэнь, МТС-нь ды совхозонь роботанть (Поладкосо 3-це страницасо).



# ВКП(б)-нь Мордовской Областной Комитетэнь отчетной докладонть коряс Мордовской Областной партийной VI-це конференциянь резолюциязо

(П О Л А Д К С О З О)

чейтень ютксо массово-политической роботанть келейгавтомась

Колхознэсэ руководящей кадратень подборонть лангсо овси аволь удовлетворительной руководстванть тешкстазь, конференциясь кармавты партиань районной комитетнэнь ды райисполкомтнэнь эсист роботасост явомс сех покш мель колхознэсэ честной ды социализмань теветень преданной колхозонь председателътнэнь, завхозтнэнь, колхозно-товарной фермань заведующейтнэнь, бригадиртнэнь, учетчиктнэнь ды лиятнэнь подборонтень, руководстванть ды сынст кемекстамонтень, решительна ваньксавтомс колхознэсэ, МТС-тнэсэ ды совхознэсэ вредительтнэнь, саботажниктнэнь ды антисоветской лия элементнэнь, конат эцесть руководстванть ды конат ветить колхозтнэнь калавтоманть коряс вражеской робота. Эряви эрва чистэ тонавнемс руководящей кадратнэнь роботаст ды максомсынент роботасост практической лезкс. Конференциясь мери партиань обкомонтень истяжо кемекстамс Наркомземень аппаратонть партийной ды аволь партийной жеме, проверенной большевиктнэсэ.

Конференциясь лови овси корса кирдевиксэкс, зярдо, кода республиканской центронт Саранск ошонть, истяжо районной центронтень благоустройствань, строительствань в опростнэнь МАССР-нь ЦИК-сь ды СНК-сь ды райисполкомтнэ а явить эрявикс внимания, секскак Саранск ошось ды районной центронтне аштить запущенной состоянияс ды неудовлетворяют трудиятнэнь культурно-бытовой обслуживанияс минимальной потребностест. Конференциясь мери партиань обкомонтень, МАССР-нь ЦИК-нтень ды Совнаркомонтень, истя жо райисполкомтнэнь ды партиань райкомтнэнь явомс сех покш внимания неть в опростнэнь ды добиться 1938—39 иестэ Саранск ошось ды райцентрантнэ клубтнэнь, парктнэнь, культурнэ кудотнэнь, столовойтнэнь, прачечнойтнэнь ды оборонань кудотнэнь строительстванть истя, штобу сынь удовлетворяли населениянь касыця потребностензэ.

Партийной весе организациятнэнь сех покш мелест должен улемс явозь формань коряс национальной ды содержаниянь коряс социалистической Мордовской культуранть эщо седеяк виевстэ кастоманть.

Республикасонть торговлянь овси аволь удовлетворительной состояниязо тешкстазь, конференциясь требует Саранск ошонь советской ды торгующей организациятнэнь ды районной организациятнэнь пельде торговой сетень роботанть решительна вадрялгавтома, товарооборотонть келейгавтома истя, штобу целанек обеспечить широкой потреблениань предметнэсэ трудиятнэнь запросост.

Торговой организациятнэнь аппаратсонть растратчиктнэнь, ворнтнэнь, жуликтнэнь ды разложившейтнэнь беспощадна панезь, эряви смелстэ выдвигать партийной ды аволь партийной большевикень од кадратнэнь кооперативной ды государственно-торговой системан-

тень, мобилизовамс торговой сетень работниктнэнь вниманиаст вредительствань последствиятнэнь седе куроксто ликвидациятнэнь.

Партийной организациятнэнь икелев конференциясь аравты основной задачатнэсэ вейкекс—партийно-политической роботанть седе тов вадрялгавтоманзо. Партиянь областной комитетэнь ды райкомтнэнь важнейшей задачкас ашти од, руководствас сазь партийной, хозяйственной ды лия кадратнэнь политической воспитанияс, большевиксасонт сынст вооружениясь, умениясонть сочетать хозяйственной ды политической роботанть. Конференциясь кармавты партиань обкомонтень 1938 иень июль ковдонть аволь седе позда организовамс райкомонь, парткомонь, секретартнэнь, парторгтнэнь, пропагандистнэнь, парткабинетнэсэ заведующейтнэнь ды партийной весе активенть тонавнеманзо.

Конференциясь лови, што партийной пропагандась должен улемс организовазь истя, штобу эрва коммунистэсь, кона тонавтни партийной сетэсэнь, сонсь улелеть трудиянь келей массатнэнь ютксо большевикмань идеятнэнь пропагандистэкс.

Конференциясь мери обкомонтень, райкомтнэнь ды первичной весе парторганизациятнэнь аравтомс кеме порядка партийной просвещениянь кружоктнэнь роботасост, кеместэ аравтомс сынст эйсэ кунсолыцятнэнь составонть ды обеспечить партийной весе школатнэсэ ды кружоктнэсэ тонавтневия курсонть прядоманзо тешкстазь срокс, организовамс партучебанть весе иень перть ды пощадавтомо бороямс партийной просвещениясонть сезонностень каршо. Свал терднемс пропагандистнэнь опытэнь обменэнь, инструктажонть туртов, эрва чистэ лездамс сынст пропагандистской роботасост.

Конференциясь лови, што коммунистнэнь ютксо партийной дисциплинанть кемекстамонь областэнь вредительствань последствиятнэнь ликвидировань моли пек састо. Кой-кона коммунистнэнь ютксо улить мелко-буржуазной расхлябанность, пьянстват, партийной поручениянь а топавтомат, колхозов ды велень советс роботамо отказамот (Инсарской, Ковылкинской ды Вертелимской районт). Конференциясь мери партиань обкомонтень ды райкомтнэнь примамс решительной мерат коммунистнэнь ютксо партийной дисциплинанть кемекстамонтень порученной теветень кис ответственностень кепедеманзо коряс, комчванстванть ды распущенностень седе курок маштоманзо коряс ды партиань уставонть строгостэ ды неуклонностэ топавтоманзо коряс.

Се цельсэнь, штобу партийной собраниятнэнь теемс партиань члентнэнь ды кандидатнэнь большевисткой воспитаниань школак, конференциясь лови эрявиксэкс келейстэ привлекать партиань весе члентнэнь партийной собраниятнэсэ обсуждаемой востростнэнь решамосонтэ ды аноктасомонтэ активной участиятнэнь. Партийной собраниятнэнь эряви аравнемс те предприятиянь, сов-

хозонтэ, МТС-нтэ, колхозонтэ эрямодо ды роботадо важнейшей востростнэнь, внутривпартийной роботанть основной вострост, партиань ды правительствань решеният, истя жо международной ды внутренней положениянь вострост.

Партиянь касомасо роботанть кой-кодамо вадрялгавтоманзо лангс атак вано, конференциясь лови партианть касомасо партийной организациятнэнь роботаст аволь удовлетворительнойкс, всемеле пек истят районтнэва, кода Лямбирской, Рыбкинской, Пурдошанской ды Старо-Шайговской районтнэсэ, косо 1938 иень васень кварталсонть партиас атак прима вейкеяк ломань. Конференциясь кармавты партиань обкомонтень ды райкомтнэнь строго руководствоваться партиань Центральной Комитетэнь указаниятнэсэ, седе курок путомс пе партиас прима теусэнь недооценканть, решительно вадрялгавтомс роботанть ды добиться партиань рядтнэнь ды сочувствующеекс республикань сех вадря преданной ломантнэнь, икелевгак промышленностень ды велень хозяйствань рабочей стахановецтнэнь эйстэ седе ламо вовлечениянь, явомс серьезной мель коренной национальностень трудиятнэнь эйстэ вовлечениятнэнь, сех пек аватнэнь, работничатнэнь, трактористкатнэнь ды лиятнэнь вовлечениятнэнь.

ВКП(б)-нь ЦК-нь январской пленумонь решениятнэнь теус ютавтозь, Мордовской парторганизациясь ютавтсь покш робота ильведкэнтнэнь витемасонтэ, конат нолдазельть партиасто коммунистнэнь исключениянь пингстэ.

Конференциясь кармавты партиань областной комитетэнь ды райкомтнэнь изжить валовой огульной практиканть ломантнэнь подходсонть, решительна разоблачать народонь врагнэнь, карьеристнэнь, двурушниктнэнь ды перестраховщиктнэнь, конат бдительностыте пижнемасо стараитэ замаскировать эсист враждебностест ды вантомс эсь прянтэ партиань рядтнэсэ. Повнямс ВКП(б)-нь ЦК-нь январской Пленумонь решениятнэнь седе, што: "... коммунистнэнь ютксо улить, эщо лангс атак ливте ды не разоблаченной башка карьеристт-коммунист, конат стараитэ отличиться ды выдвинуться партиасто исключениятнэсэ, партиань члентнэнь каршо репрессиятнэсэ, стараитэ застраховать эсь пряст бдигельностень асатомасонтэ возможной чумондоманеде партиань члентнэнь каршо огульной репрессиятнэнь применениянь вельде".

Партийной активенть марто роботанть пек покш значениянзо ловозь партианть ды правительстванть решениятнэнь эрямос ютавтомсто коммунистнэнь ды беспартийнойтнэнь мобилизовамосонтэ партийной активенть покш ролензэ ловозь, конференциясь мери партиань горкомонтень ды райкомтнэнь обеспечить горкомсо ды райкомтнэсэ партийной активень собраниятнэнь регулярностэ терднеманть политической ды хозяйственной секте важной востростнэнь коряс.

Республиканской ды районной печатень роботанзо ды республикасонть издательской теветень

кой-кодамо вадрялгавтоманзо лангс атак вано, печатесь васов эщо а отвечи весе сеть требованиятнэнь, конатнэнь аравтынзе партиас печатенть икелев. Газетатнэнь страницасот пектеяк пек лавшосто сермадыть партийной эрямонь востростнэде, лавшосто ветяви бороямось народонь врагтнэнь разоблачениянь коряс, газетатнэ седе тейнить грубой политической ильведкэст, овси асатышкасто руководят рабелъкорнтнэнь лангсо, лавшосто сюлмавозь ловныцянть келей массатнэнь марто.

Издательской роботасонтэ седе эщо эрсить нолдавиця литературань задержкат, нолдтневить политической ильведкэст, искаженият, небрежностэ.

Конференциясь лови, што печатень областэсэнь секте важной задачкас ашти печатенть ролензэ кастомась народонь врагтнэнь разоблачениянь теусэнь, большевистской критиканть ды самокритиканть келейгавтомасо, большевистской бдительностень эщо седеяк пек кастомасо.

Конференциясь мери ВКП(б)-нь обкомонтень ды райкомтнэнь кемекстамс республиканской ды районной газетань редакциятнэнь ды Мордгизэнь составонть секте вадря, политически грамотной ды проверязь я л г а т н э с э. Печатень страницатнэсэ организовамс партийной эрямонь востростнэде ды хозяйственно-политической кампаниятнеде свал ды парсте сермадоманть.

Наркоматнэнь, народной просвещениянь, здравоохранениянь ды наркомсобесэнтэ роботаст аволь удовлетворительной состоянианть тешкстазь, конференциясь мери партиань областной комитетэнь од составонть маласо шкастонть толковамс сынст роботаст состояниань востростнэнь ды примамс решительной мерат вредительствань последствиятнэнь седе куроксто ликвидациянь коряс ды народной образованиянь, здравоохранениянь ды социальной обеспечениянь областэсэнь весе роботанть коренной перестройканть партианть ды правительстванть эндо аравтозь задачатнэнь коряс. Наркомсобесэнтень эряви явомс мель взаимпомощень колхозной кассатнэнь организовамонть ды сынст роботаст лангс.

Взрослой эрицятнэнь ютксо неграмотностень ды малограмотностень ликвидациянь областэсэнь Наркомпросонтэ ды народной образованиянь районной отделтнэнь роботаст овси аволь удовлетворительнойкс тешкстазь, конференциясь мери партиань обкомонтень, МАССР-нь ЦИК-нтень ды СНК-нтень примамс мерат неграмотностень ды малограмотностень иень срок полной ликвидациянтень, допризывниктнэнь ютксо жо — те иень сентябрь ковонть самс.

Комсомолонтэ роботасонзо. партийной яла эщо лавшо руководстванть тешкстазь, конференциясь кармавты партиань обкомонтень, горкомонтэ ды райкомтнэнь максомс комсомолонтень эрва чинь практической лезкс од ломантнэнь ды эйкакштнэнь большевистской воспитаниянь теусэнь, эрва шкасто кунсолыцномс эсист заседаниятнэнь (Пезэ 4-це страницасо).



## ВКП(б)-нь Мордовской Областной Комитетэнь отчетной докладонть коряс Мордовской Областной партийной VI-це конференциянь резолюциязо (пезз)

месэ районной ды первичной комсомольской организациянь руководителътнень комсомольской роботань вострэнэ коряс.

Добровольной обществатнень (МОПР, СВБ ды лият) роботасост покш асатыкстнэнь тешкстаз, партконференциясь мери партиянь обкомонтень, горкомонтень ды партиянь райкомтнэнь кемекстамс неть организациятнень проверенной ды работоспособной коммунистнэсэ, комсомолестнэсэ, аволь партийной большевиктнэсэ, ловомс антирелигиозной ды мопровской роботанть партийной организациятнень массово-политической роботанть составной частекс. Сех покш мель должен улемс явозь пролетарской интернационализманы ды международной солидарностень духсо трудицятнень воспитаниянь лангс.

Партийной конференциясь тешксты массово-оборонной роботань организовамонть (Осоавиахим) исключительна важной значениязо, мельсэ кирдемс Сталин ялганть указаниянзо седе, што:

«...Эряви всемерно виевгавтомс ды кемекстамс минек Якстере армиянь, Якстере флотонть, Якстере авиациянь, Осоавиахимень. Эряви весе минек народонть кирдемс мобилизационной анск-чинь состояниасо военной нападениянь опасностень икеле, штобу кодамож «случайность» ды минек внешней врагтнэнь кодаткак фокусост не могли застигнуть минек врасплох...».

Ды поручает ВКП(б)-нь обкомонтень ВЛКСМ-нь обкомонтень марто вейсэ ды Осоавиахимень Центральной Советэнь марто разработать республикасонть оборонной роботанть виевгавтоманзо коряс практической мероприятиянь план.

Конференциясь мери партиянь обкомонтень ды райкомтнэнь ютавтомс работа весе коммунистнэнь ды комсомолестнэнь осоавиахимовской членствасо охватонть коряс ды ворошиловской стрелоктнэнь, ПВХО-нь ды санитарной оборонань значиктнэнь решительна ламолгавтоманть коряс, автомобиленть, тракторонть ды парашютизманть овладениянзо коряс, истяжо вадрялгавтомс аэроклубнэнь роботаст. Партийной руководителътне ды партийной активесь те важнейшей тевсэнь должны улемс застрельщикекс ды инициаторокс, улемс военной тевсэнь вадрясто овладениянь коряс образецкс.

Социалистической соревнованиянь организовамосо, стахановской движениянь келейгавтомасо ды профсоюзонь члентнэнь марто массово-политической роботанть коряс профсоюзной организациятнень пек лавшо роботаст тешкстаз, конференциясь поручает ВКП(б)-нь обкомонтень ды райкомтнэнь примамс решительной мерат профсоюзной роботанть виевгавтоманть, олякстомтомс

профсоюзной организациятнень профсоюзной роботасо аволь способной руководителътнэсэ, кемекстамс профсоюзтнэнь проверязь ды работоспособной ялгасо.

Конференциясь лови, што ВКП(б)-нь обкомонь отделтнэ те шкас эшо не перестроились районтнэнь лангсо живой конкретной ды оперативной руководстванть енов. Конференциясь мери ВКП(б)-нь обкомонь од составонтень аравтомс роботанть истямо ладсо, штобу отделтнэнь работниктне свал контролироваволь райкомтнэнь ды первичной парт-организациятнень роботаст ды шкасто максовольт тенст лезкс ломантнэнь подборсонть ды сехте пек решениятнень топавтомат проверямосонть, мельсэ кирдемс Сталин ялганть валонзо, — «Организационной роботасонть главноесь — ломантнэнь подборось ды исполнениянь проверкась».

Сень лозозь, што избирательной кампаниясь пачкодсь решающей стадияс, зярдо должен улемс келейстэ аравтозь избирательной эрва округканть кандидатнэнь кис политической агитациясь, конференциясь мери партийной, профсоюзной, советской ды комсомольской организациятнэнь охватить массово-политической роботасо весе трудицятнень, РСФСР-нь ды МАССР-нь Верховной Советнэс кочкамотнэнь анюкстамонть сочетать хозяйственно-политической кампаниятнень успешно ютавтомат марто.

Конференциясь сехте пек обращает мель агитационной роботанть качестванзо кепедемань необходимостень лангс, сонзэ злободневностень ды большевистской воинственностень лангс ды мери весе партийной, советской, профсоюзной, комсомольской организациятнэнь РСФСР-нь ды МАССР-нь Верховной Советнэс кочкамотнэнь ютавтомс эшо седеяк вадрясто, эшо седеяк организованностэ, чем СССР-нь Верховной Советс кочкамотне, коммунистнэнь ды беспартийнойтнэнь сталинской а изнавица блоконтъ весе вийсэ кемекстаз

Областной партийной конференциясь терди весе Мордовской партийной организациянь эшо седеяк верев кепедемс организационно-политической роботанть уровенензэ, эшо седеяк покш энергия марто ютавтнемс эрямос партиянь ды правительствань решениятнэнь, пощадавтомо бороцямс народонь весе врагтнэнь каршо, эшо седеяк пек кемекстамс СССР-нь весе народтнэнь марто, сехте пек великой русской народонть марто мордовской народонть братской содружестванзо, максомс народонь весе врагтнэнь кеме отпор, конат снартнить теемс рознь СССР-нь народтнэнь ютксо, эшо седеяк кеместэ сплотить эсь рядтнэнь ВКП(б)-нь Ленинско-Сталинской ЦК-нтъ перька, вожденть, оянтъ ды учителенть великой Сталинэнь перька.

## Эйкашонь садонь заведующеень курст

Атяшеваны РОНО-сь организовакшнось эйкашонь садонь заведующеень 2 ковоень курст, косо тонавтнэсть 16 од тейтерть. Сын тонавтнэсть Сталинской Конституциянь, рузонь келенть ды дош-

кольной педагогиканть.

Курстнэ ютавтозь парсте.

Савинова Шура, Абрамова Настя, Маничева Таиса тонавтнеманть прыдызь отличнасто.

А. Адушкин



СНИМКАСОНТЬ: Рузаевканы райононь, Левжа велень республиканской олимпиадань участникенъ коллективесь.

Фотосъ Ивановонь.

## ГРАНИЦАНЬ ТОМБАЛЕ

### Кантононь бомбардировканть каршо Советской правительстванть представлениязо

Токио, июнень 20 чи. (ТАСС). Юнень 17 чистэ СССР-нь тевтнесэ поверенноесь Сметанин ялгась якась Япониянь иностранной тевтнэнь вице-министранть ды тейсь сонензэ представления Китаенъ беззащитной, мирной эрицятнэнь бомбардировканть коряс ды незащищенной мирной оштнэнь бомбардировканть коряс, конань тейнить японской армиясь ды сехте пек японской авиациясь. Эсинзэ заявления-сонзо Сметанин ялгась башка тешкстызе Кантоновъ бомбардировканть, кона моли вана уш зярды недлянь перть ды тейсь ламо тыщат жертват, конатнэстэ пек ламо жер-

тват аватнэнь ды эйкаштнэнь ютксо. Заявлениясонть невтезь се лангс, што Кантонсо японской авиациянь действияне аштить беззащитной мирной населениянь лангсо жестокой насилыань овси неоправданной актокс ды што сынъ тейсть пек покш возмущения мирнэнь весе цивилизованной мастортнэнь общественной мнениясонть, истяжо Советской союзояк. Советской народонть чувстванзо-евтазэ, СССР-нь правительствасэ-евтызе эсинзэ настойчивой мелензэ, штобу Китаенъ беззащитной эрицятнэнь ды мирной оштнэнь каршо-истяг валетнэ улелельть лоткавтозь.

### Германской фашистнэнь наглой выходкаст

Чехословацкой печатесь пачти куля германской фашистнэнь насилыань амарсевикс фактонть, конань сынъ теизь Чехословакиянь территориясо. Юнень 17 чистэ германской фашиствэ, конат ютызь границанть, веть каявсть крестьянинэнтъ-антифашистэнтъ Иосиф Шмидт лан-

гс, кона оргодсь Германиясто фашистской властнэнь ендю преследованиятнэнь кувалма.

Веривь следтнэва ды лия признактнэва установлено, што фашистской бандит-энь шайкась, Шмидтнэнь-пек виев ранямонъ теезь саизе сонзэ-границань трокс Германиянь.

### Гуандунонть лангс японской авиациянь 1430 налетт

Ютась иень сентябрьнэ 1 чистэ саезь те иень июнень 14-це чис японской авиациясь тейсь 1430 налетт Гуандун провинциянь оштнэнь лангс (Южной Китай), эйст-ст—425 налетт теезь провинциянь столицанть—Кантононь лангс.

Японской самолетнэ ертсть 10.480 бомбат. Оштнэсэ калавтозъ 5.384 кудот. Провинциясонть маштозъ 9 тыщадю ламо мирной эрицят. Ськамонзо Кантонсонть маштозъ 1627, ранязь 6.720 мирной эрицят.

### Польшасо крестьянтнэнь преследованиясь

Польшасо массовойкс теевсть «Стронництво Людове» крестьянской партийная деятельностьнь ды крестьянтнэнь—крестьянской забастовкань участниктнэнь преследованиятне. Ансяк ськамонзо Жециевосонть (Львовской воеводства) окружной судось ванкшнось 1960 тевть крестьянтнэнь коряс, конатнэнь чумондыть ютась иень забастовкань эйсэ участиясонть.

(ТАСС).

### Австриясо а мерить почтонь микшнеме

Юнень 15 чистэ саезь Австриянь территориясонть, конань саизе фашистской Германиясь, а мерить товзюронь ды розь почтонь микшнеме кудосо кшинь панеманть туртов. Почтнэнь микшнить ансяк фашистской властнэнь специальной разрешенияст коряс.

(ТАСС).

### Индиясо холерань эпидемия

Индиясо север ено пек виевствэ моли холерань эпидемия. Эпидемиясь сайсь 4.000 велеть. Холерандонть кулость уш 14 тыщат ломанть. Холеранть каршо бороцямось пек стакалгали ведень асатомандонть.

(ТАСС).

Ответ. редакторось И. С. ТЮРКИН.